

**Date – 21/01/2025**

**Time - 7:30 -7:40Hrs**

**REGIONAL NEWS BULLETIN**

**HEADLINES (MORNING)**

- 1. Thla thar ni 12-a Village Council leh Local Council inthlan neih tura Election Observer tura ruatte chu State Election Commissioner in an mawhphurhna a sawipui.**
- 2. Ni 2 awh All India Presiding Officers' Conference vawi 85-na, Bihar Legislative Assembly, Patna, Bihar a neihah State Legislative Assembly Speaker Pu Lalbiakzama a tel.**
- 3. Donald Trump chu nizan khan US President 47-na atan lakluh a ni.**
- 4. Prime Minister Narendra Modia chuan Donald Trump chu US President 47-na atana lakluh a ni chu chu a lawmpui thu a sawi.**

<><><>

**SEC**

**Thla thara Village Council leh Local Council inthlan neih tura Election Observer tura ruatte chu State Election Commissioner chuan inthlan chungchang a sawipui a,**

**State Election Commissioner Dr. H. Lalthlangliana chuan, Election Observer-te chu District hrang hranga Inthlanna hmunah Commission ai aw h tura ruat niin, Political Party leh mipui te'n an harsatna an thlenna tur leh a tul huna Election Official-te tanpui a, kaihhruaina pe tura ruat an ni baw k, a ti.**

**Election Observer atan hian Senior MCS Officer-te ruat an ni a, nimina an inhmukhawmnaah Election Observer tura ruat Officer 15 te'n State Election Commissioner hoin briefing leh inthlan thlir lawkna hi an nei a ni.**

<><><>

**FMR-MNF**

**MNF Party chuan Free Movement Regime (FMR) thiah an duhloh thu sawiin a tawp thenga dodal zel an tum tih an sawi.**

**MNF Treasurer Pu Lalruatkima chuan kum 1947 - ah India leh Burma ten zalenna an neih hnuah Mizo tam zawkte Burma ram leh India rama thendarha an awm takah India Passport Act chuan Mizoram leh a bik takin Burma ramri a zalen taka inkalh pawh theihna turin, km 16 a zuah a, nikum thleng khan zalen takin inkalpawh a ni a ti a. Zohnahthlakte thendarha awmin ram in ri nei mahse hnam in ri a nei ve loh avangin zalen taka inkalpawh an ngaih pawimawh thu a sawi. Pu Lalruatkima chuan Chhiatni thatni leh kawng tinrengah an unau Burma lama awmte nen intanpui tawna an in chhawk thin laia Sorkar laipuiin Free Movement Regime (FMR) hlih a tum ta mai chu lungchhiatthlak an tiin tun hnaia Zokhawthar lei khar a ni ta mai chu pawin an tih thu an sawi baw k.**

**Byte of Pu Lalruatkima, Treasurer**

**Sorkar laipui chuan zalen taka inkalpawhna tihtawp a nih theih nan  
nikum December atang khan Free Movement Regime (FMR) hlipin ramri a  
inkalpawhna a dang tan a, Mizoram Legislative Assembly nikum February  
thlaa neih chuan special resolution siamin Free Movement Regime (FMR) hlih  
duhlohna leh Border Fencing duhlohna a siam a ni.**

**(CORR)**

**<><><>**

SPEAKER

Ni 2 awh All India Presiding Officers' Conference (AIPOC) vawi 85-na, Bihar Legislative Assembly, Patna, Bihar a neihah State Legislative Assembly Speaker Pu Lalbiakzama leh Mizoram Legislative Assembly Secretariat official te an tel a, nimir khan tan niin vawinah chhonzawm a ni ang.

India rama legislature hrang hrang (Parliament, State leh UT) te khaikhawmtu committee sang a ni a. Conference hi Lok Sabha Speaker Pu Om Birla chuan hawngin, 'Practice and Procedure of Parliament' 8th Edition chu a tlangzarh nghal bawk a. Legislative body te'n roelna kalphung chak zawk, felfai leh awlsam zawk siam theih nan technology changkang zawk hman tangkai theih dan tur chungchang sawiho a ni.

All India Presiding Officers' Conference (AIPOC) hmasa ber hi kum 1921 khan Shimla ah neih a ni a. Bihar ah hian tum thum neihna a ni tawh thung. He Conference hi Parliament leh State Legislative assembly te'n India Constitution vawnhim kawnga an mawhpurhna leh kalphung hrang hrangte sawihona hmun a ruat a ni.

<><><>

BLOOD DONATION

Aizawl District chungah nikum December thla khan blood bank pathumah Krismas pualin thisen unit 1,278 pek a ni.

Association for Voluntary Blood Donation thuchhuah tarlan danin, thisen petute chu mipa 1,032 leh hmeichhia 246 an ni a, Civil Hospital, Aizawl blood bank tan mi 944-in an pe a, Synod Hospital blood bank tan mi 118 an pe a, ZMC blood bank-ah mi 216-in an pe a ni.

AVBD chuan thisen petute inpekna leh tlawmngaihna chu ropui antih thu sawiin an inpekna chu mi dang tan malsawmna a ni a, damlo tam takin damna an chan phah tih an sawi a, Kum tinin Hunpui vuakvetah leh January thla bikah thisen pek a tlakhniam thin avangin tan mar a pawimawh an ti a, tun dinhmunah thisen mamawh an awmin blood bank-a dah khawl sa lak mai tur a awm mang lo thin an ti a, thisen mamawhte'n thisen petu tur an zawn a ngaih tlangpui thin avangin tlawmngaia thisen pe thei an zawng thin a ti a, ngenna an thlen pawl hrang hrang leh zirna in ten ngai pawimawha thisen anlo pek thin avangin lawmthu an sawi bawk.

Civil Hospital Aizawl Blood Bank a Data Manager Sawmtea Chhangte chuan nikum 2024 ah hian Voluntary hi 100 a 94 lai an neih thu leh replacement 6% a awm thu a sawi a. Tichuan Voluntary an tam hian an thisen an mamawh zual pui a phuhrun zia a sawi bawk.

Civil Hospital, Aizawl-a Data Collector Pu Sawmtea Chhangte sawi danin Aizawl Hospital Blood Bank ah nikum chung khan thisen Unit 16524 pek ani a ni a, Mizoram chu an vannei tih sawiin ramdangah thisen lei ngai anih lain

Mizoramah a thlawna inpek a tam a ti a, thisen pe tu zingah mipa an tam zawk tih sawiin pe tu zinga a tam ber chu thalai an ni tih a sawi bawk.

<><><>

AGRI MINISTER

Agriculture Minister Pu PC Vanlalruatan Mizoram Sorkarin Feb ni 20-ah Sawhthing lei a kalpui tan dawn tawh avangin Sawhthing chingtute lo inbuatsaih se a ti.

Aizawla ZPM Gen Hq Office a nimina thu a sawinaah Pu PC Vanlalruata chuan, VC inthlan hma ngeia sawhthing lei tumin ruahmanna an siam a, amaherawhchu Sorkarin VC inthlan hun a puan hma tak avangin VC inthlan hma chuan an lei hman dawn lo a, an hun ruat February 20-ah erawh sawhthing an lei tan ngei dawn a, Sawhthing chingtute pawh lo inbuatsaih se a ti.

Minister chuan Sorkar an neih tawhteah kuthnathawktute an beidawng thin a, Kalphung thar mipui Sorkar hnuaiyah erawh thlai thar lei hi a takin an kalpui tawh dawn a ti a, nikum lamah cheng vaibelchhe 110 an nei tawh a, kumin Budget-ah vaibelchhe 200 an dah leh a, chuvangin Sorkar thar chuan inthlan laia an lo au hla ang ngeiin an policy an tihlawhtling dawn a, Zoram mipuite pawhin hei hi hriatpui se an duh a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

MPCC

Congress Party Local Council member zawng zawngte chu MPCC President Lal Thanzara hovin Lal Thanhawla Auditorium, Congress Bhavan ah nimin khan an inhmukhawm a.

MPCC President Lal Thanzara chuan thusawiin, Pathian in kohhran leh politics chu a rawngbawl nan, ram siamthat nana a pek a ni a. Village Council tha, Local Council tha a awm loh chuan ram tha a neih theih tak tak loh a, an pawimawhna hi a sang em em a ni a ti. Mizoram siamtha tur chuan politics leh kohhran tanrual a ngai tih sawiin, Village level ah Local Council level ah chhungkaw tha din phawt a ngai a ti bawk.

Pu Lal Thanzara chuan Mizoram chu chhantlak a la awm a, mahse, ZPM sorkarin an term an hman zawh chuan a chhe viau ang ti a. Sum leh pai an pûk a ngaih nasat chhan chu Central-a a chahbi kawltute ZPM sorkar chungah an lawm viau lo a ni thei a, chuti ni lo se chuan pawisa an pûk ngai lo hian an rawn enkawl theih a ring a ti.

ZPM tana lâi em em chu BJP zawmpui pangngai awm anga an inlan rual rualin Mizo kohhran miten an thinhrik ang tih an hlau bawk si chu a ni a ti a, he sorkar hi a thutiamah a ding dawn em, ding thei dihnmunah pawh a ding dawn em tih chu ngaihtuah tham tak a ni tih hi a la hre lo te inhrilh var a ngai a ni, a ti bawk.

MPCC President chuan ZPM sorkar chu thingtlang kutthnathawktute beiseina tihlawhtlingin sawhthing leisak thei hram se tih chu Congress party duhdan a ni, a ti.

<><><>

US PRESIDENT

Donald Trump chu nizan khan US President 47-na atan lakluh a ni. Washington,DC-a Capitol Rotunda-ah Chief Justice Justice Roberts chuan rinawmna thu tiam tirin President Trump hi a lalut a. President Trump-a rual hian Vice President JD Vance pawh lakluh a ni bawk.

Lakluh anih hnua a thusawi hmasa berah President Trump-a chuan national energy emergency puangin energy man tihhniam a tum dawn a ti a. Ramchhunga thil man sang chak lutuk pawh tul lova sum hman nasat vang leh energy man sang vang a ni a ti a. President Trump-a chuan a cabinet thar chu mamawh leina man sang ti hniam turin an thuneihna hmang turin a hrilh a ti a. Engkimah America chu dah hmasak ber a ni ang tih sawiin an ram tan bung thar hun rangkachak a thlen tir dawn a ni a ti bawk.

President Trump-a lakluh inkhawmah hian India aiawhin External Affairs Minister S. Jaishankar a tel a. Ram hrauitu dang kal zingah Argentina President Javier Milei, Italy Prime Minister Giorgia Meloni, Ecuador President Daniel Noboa, El Salvador President Nayib Bukele, Brazil President hlui Jair Bolsonaro, leh Poland Prime Minister hlui Mateusz Morawiecki te an tel a ni.

<><><>

PRIME MINISTER

Prime Minister Narendra Modia chuan Donald Trump chu US President 47-na atana lakluh a ni chu chu a lawmpui thu social media -ah a tarlang a. Ram pahnih tana hlawk zawka thawhdunna siam tur leh khawvel tana hmabak eng tak siam tura thawhdun hun a nghakhlel tih a sawi a ni.

<><><>

MOAIST

Chhatisgarh-a Gariaband district-ah nimin khan security force ten Maoist hel pahnih an kaphlum. Helai chhehvelah hian security force te hian Maoist dapchhuah beihpui an thlak a. Inkahna hmunah hian ralthuam man tel a ni a. Cobra battalion sipai pakhat kahhlam a ni bawk.

<><><>